

Na osnovu člana 31. stav 1. Zakona o sudovima u Federaciji Bosne i Hercegovine ("Službene novine Federacije Bosne i Hercegovine" broj 38/05, 22/06, 63/10, 72/10, 7/13, 52/14 i 85/21), člana 8. tačka j) Pravilnika o unutrašnjem sudskom poslovanju ("Službeni glasnik Bosne i Hercegovine", broj 66/12, 40/14, 54/17, 60/17, 30/18 i 83/22), Upustva za anonimizaciju ("Službeni glasnik Bosne i Hercegovine", broj 25/24), i a u skladu sa Smjernicama za objavljivanje sudskih i tužilačkih odluka, akata i informacija o predmetima broj 07-02-3-1279-3/2024 od 21.03.2024.godine, Predsjednica Općinskog suda u Velikoj Kladuši, donosi:

P R A V I L N I K

O OBJAVLJIVANJU SUDSKIH ODLUKA, AKATA I INFORMACIJA O PREDMETIMA OPĆINSKOG SUDA U VELIKOJ Kladuši

Član 1.

(Uvodne odredbe)

Pravilnikom o objavljivanju sudskih odluka, akata i informacija o predmetima (u daljnjem tekstu: Pravilnik) uređuju se postupak i način objavljivanja sudskih odluka, akata i informacija o predmetima u Općinskom sudu u Velikoj Kladuši (u daljnjem tekstu: Sud).

Izrazi koji su u ovom dokumentu i prilogima dani u jednom gramatičkom rodu bez diskriminacije se odnose i na muškarce i na žene.

Član 2.

(Osnovni principi)

Osnovni principi kod objavljivanja sudskih odluka, akata i informacija o predmetima su:

- a) **Javnost** podrazumijeva da sudske odluke, akti i informacije o predmetima ovog suda predstavljaju javno dobro i da trebaju biti javno dostupni i redovno ažurirani.
- b) **Zaštita ličnih podataka** podrazumijeva da će se lični podaci obrađivati u skladu sa zakonima i pravnim standardima uz poduzimanje propisanih mjera zaštite, da pravo na privatnost može se ograničiti u predmetima od javnog interesa u skladu sa zakonima u Bosni i Hercegovini, da lični podaci mogu biti objavljeni uz izričitu pismenu saglasnost fizičke osobe, koja je prethodno poučena od strane ovlaštenog službenika suda o posljedicama davanja takve saglasnosti i da pojedinac čiji se lični podaci obrađuju i dostupni su javnosti, ima pravo da pod određenim uvjetima ishodi brisanje tih podataka u svjetlu prava na zaborav (rehabilitacija, brisanje sudske osude i dr.).
- c) **Tačnost i blagovremenost** podrazumijevaju da svako objavljivanje sadržaja predviđenih ovim pravilnikom treba sadržavati tačne i blagovremene informacije uz to da će ovaj sud prilikom obrade zahtjeva fizičkih osoba za izmjenu ili brisanje objavljenih podataka, odnosno ispravku netačnih i dopunu nepotpunih podataka hitno postupati.
- d) **Jasnost i razumljivost** podrazumijevaju da se prilikom objavljivanja sadržaja vodi računa da taj sadržaj bude objavljen na način koji je jasan i razumljiv javnosti i medijima.
- e) **Kontinuitet** objavljivanja sadržaja podrazumijeva da će sud javnosti redovno pružati informacije o tijeku postupka u predmetima od javnog interesa do njihovog pravomoćnog okončanja.
- f) **Trajanje objave** podrazumijeva da će svi sadržaji koji se objavljuju na specijaliziranim web servisima i putem drugih informacijskih kanala za komuniciranje biti dostupni javnosti i medijima dok se ne ostvari svrha njihovog objavljivanja, pri tom vodeći računa o pravu na zaborav.
- g) **Unifikacija objava i jednostavnost pristupa** podrazumijevaju da će sud unificirati mjesto i način objave sadržaja predviđenih ovim pravilnikom kako bi sadržaj bio lako dostupan i pregledan, dok će sam sadržaj objave biti anonimiziran na isti ili sličan način radi jednostavne čitljivosti i razumijevanja takvih sadržaja i u anonimiziranoj formi.

Član 3.

(Značenje termina)

Pojedini termini upotrijebljeni u ovom Pravilniku imaju sljedeće značenje:

- a) **Proaktivna transparentnost** podrazumijeva aktivno nastojanje pravosudnih institucija da informacije u svezi s njihovim radom i postupanjem u konkretnim predmetima, a koje su od interesa za različite ciljne grupe, budu blagovremeno identificirane i adekvatno objavljene bez ikakvog prethodnog zahtjeva za pristup informacijama.
- b) **Reaktivna transparentnost** podrazumijeva postupanje pravosudnih institucija po zahtjevima za pristup informacijama, kao i postupanja po različitim upitima koji dolaze iz medija i od drugih zainteresiranih osoba.
- c) **Specijalizirani web servisi** - web servisi na kojima se objavljuju sadržaji predviđeni ovim Pravilnikom i to: službena web stranica suda, centralna Baza sudskih odluka Bosne i Hercegovine, Portal sudske prakse Bosne i Hercegovine,

djela, broj predmeta i kratak opis pravnog instituta, odnosno podoblast, vrsta i predmet spora, broj predmeta i kratak opis pravnog instituta.

- (3) Pravosnažne odluke koje ovaj sud objavi na svojoj internet stranici istovremeno dostavlja Visokom sudskom i tužilačkom vijeću Bosne i Hercegovine uz prateći Obrazac i u anonimiziranoj formi radi njihove trajne pohrane u centralnoj Bazi sudskih odluka, na način opisan u članu 4. stav 5. ovog Pravilnika.

Član 6.

(Objavljivanje informacija o predmetima u toku)

- (1) Sud će informacije o predmetima u toku objavljivati u formi saopćenje za javnost.
(2) Saopćenje za javnost se objavljuje u kategoriji pod nazivom – Odnosi s javnošću, potkategorija - Vijesti, sekcija – saopćenja za javnost, dok se u sekciji - Aktuelnosti, isključivo, objavljuju informacije o redovnim aktivnostima suda i opće informacije.

Član 7.

(Objavljivanje akata suda)

Opći akti suda, a po potrebi i pojedinačni akti, koje ovaj sud donosi u cilju rukovođenja sudom i organizacije suda, objavljuju se na internet stranici ovog suda u kategoriji pod nazivom - Dokumenti, potkategorija –Interni dokumenti, sekcija - Pravilnici.

Član 8.

(Objavljivanje putem drugih informacijskih kanala)

Pravila objavljivanja detaljno precizirana ovim pravilnikom primjenjuju se i za objavljivanje putem drugih informacijskih kanala.

Član 9.

(Završne odredba)

Pravilnik o objavljivanju sudskih odluka, akata i informacija o predmetima stupa na snagu danom donošenja, a bit će objavljen na oglasnoj ploči i web stranici Suda.

Broj: 023-0-SU-24-000595
Velika Kladuša, 25.06.2024. godine

Po ovlaštenju Predsjednice suda
Zamjenik predsjednice suda Ismet Alibašić



OBRAZAC ZA INDEKSACIJU SUDSKIH ODLUKA

NAZIV SUDA	
BROJ PREDMETA	
SENTENCA (Pravni stav izražen u odluci popunjava se ukoliko odluka ima sentencu)	
PRAVNA OBLAST	
KLJUČNE RIJEČI ZA PRETRAGU/DESKRIPTORI	
PRIMIJENJENI PROPIS - naziv propisa i broj članka i broj(evi) službenog glasila u kojem je propis objavljen -	
VEZANE ODLUKE -broj(evi) predmeta i naziv suda koji je donio odluku -	

Pripremio/la: